

KOMMISJONSVEDTAK

av 23. oktober 1996

om ei felles teknisk forskrift om krav til bruk av telefoni i det offentlege nettet for felleseuropeisk jordbasert, digital mobiltelekommunikasjon, fase II(*)

(Tekst som er relevant for EØS)

(96/629/EF)

KOMMISJONEN FOR DEI EUROPEISKE FELLESSKAPA HAR –

med tilvising til traktaten om skipinga av Det europeiske fellesskapet,

med tilvising til rådsdirektiv 91/263/EØF av 29. april 1991 om tilnærming av medlemsstatenes lovgivning om teleterminalutstyr samt gjensidig anerkjennelse av utstyrets samsvar⁽¹⁾, endra ved direktiv 93/68/EØF⁽²⁾, særleg artikkel 6 nr. 2, og

ut frå desse synsmåttane:

Kommisjonen har vedteke eit tiltak for å klarleggje kva type terminalutstyr som bør omfattast av ei felles teknisk forskrift, og den tilhøyrande fråsegna om verkeområdet for forskrifta.

Det rette standardiseringsorganet har utarbeidd dei harmoniserte standardane som dei gjeldande grunnleggjande krava skal gjennomførast ved hjelp av.

Dei tilsvarande harmoniserte standardane eller delar av dei som dei grunnleggjande krava skal gjennomførast ved hjelp av, og som skal gjerast om til felles tekniske forskrifter, bør vedtakast.

Dei aktuelle delane av den harmoniserte standarden som gjeld prøvingseksempel, krev at det vert utført validering på førehand. Status for validerte prøvingseksempel bør offentleggjerast i *Tidend for Dei europeiske fellesskapa*.

Dei melde organa bør i ein overgangsperiode på to år kunne halde fram med å godkjenne terminalutstyr i samsvar med krava i kommisjonsvedtak 94/12/EF⁽³⁾, og slikt utstyr bør framleis kunne marknadsførast og takast i bruk etter denne perioden.

Vedtak 94/12/EF bør opphevast når overgangsperioden går ut.

(*) Denne EF-rettsakten, kunngjort i EFT L 282 av 1.11.1996, s. 75, er omhandlet i EØS-komiteens beslutning nr. 60/98 av 4. juli 1998 om endring av EØS-komiteens vedlegg II (Tekniske forskrifter, standarder, prøving og sertifisering), se denne utgaven av EØS-tillegget til De Europeiske Fellesskaps Tidende.

⁽¹⁾ TEF nr. L 128 av 23.5.1991, s. 1.

⁽²⁾ TEF nr. L 220 av 31.8.1993, s. 1.

⁽³⁾ TEF nr. L 8 av 12.1.1994, s. 23.

Dette vedtaket bør granskast på nytt for å sikre at dei melde organa vurderer samsvar med dei gjeldande harmoniserte standardane på ein einsarta måte.

Den felles tekniske forskrifta som er vedteken i dette vedtaket, er i samsvar med fråsegna frå ACTE –

GJORT DETTE VEDTAKET:

Artikkel 1

1. Dette vedtaket skal gjelde for terminalutstyr, medrekna aktivt tilleggsutstyr dersom dette endrar yteevna til terminalutstyret på ein slik måte at det verkar inn på samsvaret med dei grunnleggjande krava, som i samsvar med føresegnene i artikkel 2 nr. 2 er meint for tilkopling til det offentlege nettet for felleseuropeisk jordbasert, digital mobiltelekommunikasjon.

2. I dette vedtaket er det fastsett ei felles teknisk forskrift om krav til bruk av telefoni for terminalutstyr til mobilstasjonar i det offentlege nettet for felleseuropeisk jordbasert, digital mobiltelekommunikasjon, som har ein modulasjon med konstant omhyllingskurve, som nyttar 900 MHz-bandet med ein kanalavstand på 200 kHz, og som har trafikkanalar etter TDMA-prinsippet.

Artikkel 2

1. Den felles tekniske forskrifta skal femne om dei aktuelle delane av den harmoniserte standarden som det rette standardiseringsorganet har utarbeidd, og som dei grunnleggjande krava i artikkel 4 bokstav g) i direktiv 91/263/EØF skal gjennomførast ved hjelp av. Tilvisinga til standarden og dei aktuelle delane av han er oppført i vedlegg I og II.

2. Terminalutstyr som dette vedtaket omfattar, skal vere i samsvar med den felles tekniske forskrifta som er nemnd i nr. 1, og skal stette dei grunnleggjande krava som er nemnde i artikkel 4 bokstav a) og b) i direktiv 91/263/EØF, og krava i andre direktiv som gjeld for utstyret, særleg rådsdirektiv 73/23/EØF⁽⁴⁾ og 89/336/EØF⁽⁵⁾.

⁽⁴⁾ TEF nr. L 77 av 26.3.1973, s. 29.

⁽⁵⁾ TEF nr. L 139 av 23.5.1989, s. 19.

Artikkel 3

Når det gjeld terminalutstyr som er meint for fase II og kjem inn under artikkel 1 nr. 1 i dette vedtaket, skal dei melde organa som er peika ut til å gjennomføre dei rutinane som er nemnde i artikkel 9 i direktiv 91/263/EØF, nytte dei aktuelle delane av den harmoniserte standarden som er nemnd i vedlegg I og II, eller syte for at dei vert nytta, innan 24. oktober 1996.

Artikkel 4

Terminalutstyr kan framleis godkjennast av melde organ i samsvar med krava i vedtak 94/12/EF i to år frå 24. oktober 1996 og marknadsførast og takast i bruk etter dette tidsrommet.

Artikkel 5

Dette vedtaket skal granskast på nytt seinast seks månader etter at det er vedteke.

Artikkel 6

Vedtak 94/12/EF vert oppheva med verknad frå 24. oktober 1998.

Artikkel 7

Dette vedtaket er retta til medlemsstatane.

Utfërda i Brussel, 23. oktober 1996.

For Kommissjonen

Martin BANGEMANN

Medlem av Kommissjonen

VEDLEGG I

Tilvising til den gjeldande harmoniserte standarden

Den harmoniserte standarden som er nemnd i artikkel 2 i dette vedtaket, er:

Europeisk digitalt mobiltelekommunikasjonssystem (fase II)

Krav til bruk av telefoni for GSM-mobilstasjonar (Global System for Mobile Communications)

Telefoni

ETSI

Det europeiske standardiseringsinstituttet for telekommunikasjonar

ETSI-sekretariatet

TBR 20 — oktober 1996

(utan forordet og alle andre krav enn dei som er nemnde i vedlegg II)

Tilleggsopplysningar

Det europeiske standardiseringsinstituttet for telekommunikasjonar er godkjent i medhald av rådsdirektiv 83/189/EØF⁽¹⁾.

Den harmoniserte standarden som er nemnd ovanfor, er utarbeidd i medhald av eit mandat som er gjeve etter dei aktuelle framgangsmåtane i direktiv 83/189/EØF.

Den fullstendige teksta til den harmoniserte standarden som er nemnd ovanfor, kan skaffast frå:

Det europeiske standardiseringsinstituttet for telekommunikasjonar
F-06921 Sophia Antipolis Cedex.

⁽¹⁾ TEF nr. L 109 av 26.4.1983, s. 8.

VEDLEGG II

Aktuelle delar av TBR 20

TBR-referanse	TBR-referanse	TBR-referanse
TBR 20-30.1	TBR 20-32.8 *	
TBR 20-30.2	TBR 20-32.9 *	
TBR 20-30.3	TBR 20-14.4.3 *	
TBR 20-30.4		
TBR 20-30.5.1		
TBR 20-30.6.1 *		
TBR 20-30.6.2		
TBR 20-30.7.1		
TBR 20-32.2 *		
TBR 20-32.3 *		
TBR 20-32.4 *		
TBR 20-32.7 *		

* Disse prøvingseksempla vil liggje føre på eit seinare tidspunkt. Inntil dei er validerte, skal produsentane eller representantane deira i medlemsstatane leggje fram for det melde organet som er valt, ei fråsegn om samsvar med dei grunnleggjande krava som prøvinga omfattar, og opplysningar om kva tiltak som er gjorde for å stette dei tilsvarande grunnleggjande krava.